

## Chiángkoán Sèkài ê SiōngChú

(chhìt phiⁿ si.)

- 1 Lín tiòh òng SiōngChú chhiùⁿ sin ê koa!  
Inūi l bat kiâⁿ kîbiâu ê sū;  
I ê chiàⁿchhiú kah l sèng ê chhiúkut íkeng ūi l  
sihêng chíngkiù.
- 2 SiōngChú íkeng hō cheng lāng chai l ê kiùun,  
koh tī liát pang hiánbêng l ê konggī;
- 3 I ē kítit l tui Isulael ke ê chūai kah sìnsít.  
Tī thiⁿpiⁿ háikak lóng ū khòaⁿkìⁿ lán ê  
SiōngChú ê kiùun.
- 4 Choán tē lóng tiòh òng SiōngChú chhut hoaⁿhí ê  
siaⁿ;  
tiòh chhut tōa siaⁿ, hoaⁿhí chhiùⁿkoa oló !!
- 5 Lín tiòh tōaⁿ khîm phōaⁿchàu, chhiùⁿkoa oló  
SiōngChú;  
tiòh ēng khîm kah sikoa ê siaⁿ lâi oló !!
- 6 Tiòh ēng hōtâng kah sàukak,  
tī SiōngChú — lán ê tōa Kunông bīnchêng  
chhut hoaⁿhí ê siaⁿ!
- 7 Goān hái kah kítiong sōū ê itchè lóng chhut  
tōa siaⁿ;  
goān sèkài kah tī sèchiūⁿ khiākhí ê, mā lóng  
chhut siaⁿ.
- 8 Goān kanghō pah phók'á;  
goān cheng soaⁿ tī SiōngChú bīnchêng chòhóe  
chhut hoaⁿhí ê siaⁿ.
- 9 Inūi l lâi sī beh símphòàⁿ choán tē.

## 掌管世界 ê 上主

(一篇詩。)

- 1 Lín tiòh òng 上主唱新 ê 歌!  
因為祂 bat 行奇妙 ê 事;  
祂 ê 正手 kah 祂聖 ê 手骨已經為祂施行拯救。
- 2 上主已經 hō 眾人知祂 ê 救恩,  
koh tī 列邦顯明祂 ê 公義;
- 3 祂 ē 記得祂對以色列家 ê 慈愛 kah 信實。  
tī 天邊海角 lóng 有看見咱 ê 上主 ê 救恩。
- 4 全地 lóng tiòh òng 上主出歡喜 ê 聲;  
tiòh 出大聲, 歡喜唱歌 oló 祂!
- 5 Lín tiòh 彈琴伴奏, 唱歌 oló 上主;  
tiòh 用琴 kah 詩歌 ê 聲來 oló 祂!
- 6 Tiòh 用號筒 kah 哨角,  
tī 上主—咱 ê 大君王面前出歡喜 ê 聲!
- 7 願海 kah 其中所有 ê 一切 lóng 出大聲;  
願世界 kah tī 世 chiūⁿ khiā 起 ê, mā lóng 出  
聲。
- 8 願江河 pah phók'á;  
願眾山 tī 上主面前做伙出歡喜 ê 聲。
- 9 因為祂來是 beh 審判全地。

I beh chiàu konggī símphòan sèkài;  
chiàu kongchèng símphòan bānbîn.

衽 beh 照公義審判世界；  
照公正審判萬民。